



**GRIJANJE**

Javno preduzeće "Grijanje" d.o.o. Zenica, Bilmišće br.107, 72 000 Zenica  
telefon +387 32 423 097, fax +387 32 423 099  
www.grijanjezenica.ba

Na osnovu člana 70., 71. i 89. stav (3) Zakona o javnim nabavkama („Službeni glasnik BiH“ broj 39/14 i 59/22), člana 37. i 38. Statuta Javnog preduzeća „Grijanje“ d.o.o. Zenica (u daljem tekstu: ugovorni organ) u skladu sa preporukom Komisije za nabavke, broj: 7630/23 od 07.06.2023. godine, Uprava Javnog preduzeća „Grijanje“ d.o.o. Zenica, donosi:

## **ODLUKU** o izboru najpovoljnijeg ponuđača

### **I.**

**Javno preduzeće za prostorno planiranje i uređenje grada „Zenica“ d.o.o. Zenica, sa sjedištem u Zenici, ul.Mehmedalije Tarabara broj 15, bira se za najpovoljnijeg ponuđača u postupku nabavke usluga – Nadzor nad izvođenjem radova visokogradnje i niskogradnje putem konkurentskog zahtjeva za dostavljanje ponuda redni broj nabavke 23., Obavještenja o nabavci sa portala javnih nabavki: 1091-7-2-152-3-8/23 od 31.03.2023. godine i Ispravke Obavještenja o nabavci sa portala javnih nabavki: 1091-7-2-152-8-14/23 od 24.05.2023. godine.**

### **II.**

Odabrani ponuđač iz tačke I. ove odluke, dužan je dostaviti dokaze o ispunjavanju uslova lične sposobnosti iz tačke 5.1. Tenderske dokumentacije u roku od 5 (pet) dana od prijema ove odluke.

Nakon ispunjenja uslova iz stava 1. ove tačke, odabranom ponuđaču bit će ponuđen Ugovor za nabavku usluga Usluge deratizacije, dezinfekcije i dezinfekcije, a najkasnije u roku od 10 (deset) dana od dana prijema ove odluke.

### **III.**

Zadužuje se Komisija za nabavke Javnog preduzeća „Grijanje“ d.o.o. Zenica, da u roku od 3 (tri) dana od dana donošenja ove odluke istu dostavi odabranom ponuđaču zajedno sa zapisnikom o pregledu i ocjeni ponuda i time ga obavijesti o rezultatima postupka nabavke.

### **IV.**

Ova odluka objavit će se na web stranici Javnog preduzeća „Grijanje“ d.o.o. Zenica.

## **Obrazloženje**

Dana 31.03.2023. godine, Ugovorni organ sačinio je tendersku dokumentaciju za nabavku usluge- Nadzor nad izvođenjem radova visokogradnje i niskogradnje, putem konkurentskog zahtjeva za dostavljanje ponuda, procijenjene vrijednosti do 49.000,00 KM.

Na osnovu Obavještenja o nabavci broj: 1091-7-2-152-3-8/23, objavljenog na „Portal javnih nabavki: ejn.gov.ba“, dana 31.03.2023. godine, uložena je žalba na tendersku dokumentaciju za nabavku usluge- Nadzor nad izvođenjem radova visokogradnje i niskogradnje ugovornog organa Javno preduzeće „Grijanje“ d.o.o. Zenica, broj Obavještenja 1091-7-2-152-3-8/23, a koja je proslijeđena Uredu za razmatranje žalbi, koji je istu odbacio Zaključkom broj: JN2-03-07-1-882-6/23 od 05.05.2023. godine.

U skladu sa tačkom 8.5 Tenderske dokumentacije za nabavku usluge- Nadzor nad izvođenjem radova visokogradnje i niskogradnje putem konkurentskog zahtjeva za dostavu ponuda, broj: 4547/23 od 31.03.2023. godine, Obavještenje o nabavci na portalu javnih nabavki, broj: 1091-7-2-152-3-8/23 od 31.03.2023. godine i Zaključka Ureda za razmatranje žalbi Bosne i Hercegovine, broj: JN2-03-07-1-882-6/23 od 05.05.2023. godine sačinjena je Izmjena Tenderske dokumentacije za nabavku usluge- Nadzor nad izvođenjem radova visokogradnje i niskogradnje, putem konkurentskog zahtjeva za dostavljanje ponuda.

Na osnovu Ispravke Obavještenja o nabavci broj: 1091-7-2-152-8-14/23, objavljene na „Portal javnih nabavki: ejn.gov.ba“, dana 24.05.2023. godine ponude su u roku za dostavljanje ponuda dostavili ponuđač

**RADIS d.o.o. Istočno Sarajevo** sa ponudnom cijenom od 49.900,00 KM i ponuđač **Javno preduzeće za prostorno planiranje i uređenje grada „Zenica“ d.o.o. Zenica** sa ponudnom cijenom od 48.140,00 KM.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija za nabavke je konstatovala da je:

-dostavljena ponuda ponuđača "RADIS" d.o.o. Istočno Sarajevo ne ispunjava formalno pravne uslove za daljnje učešće u postupke nabavke i njegova ponuda ocijenjena je kao NEPRAVILNA jer nije u skladu sa tačkom 4.2. tenderske dokumentacije. Naime, ponuđač "RADIS" d.o.o. Istočno Sarajevo dostavio je Ovlaštenje Federalnog ministarstva prostornog uređenja FBiH za obavljanje djelatnosti građenja/izvođenja radova broj UPI/03-19-2-700/21 od 07.07.2022.godine, Ovlaštenje Federalnog ministarstva prostornog uređenja FBiH za obavljanje djelatnosti projektiranja broj UPI/03-19-2-699/21 od 11.02.2022.godine, Ovlaštenje Federalnog ministarstva prostornog uređenja FBiH za obavljanje djelatnosti projektiranja broj UPI/03-19-2-698/21 od 11.02.2022.godine čime nije ispunjen uslov iz tačke 4.2. stav b) tenderske dokumentacije, odnosno ponuđač "RADIS" d.o.o. Istočno Sarajevo nije dokazao da je ovlašten za obavljanje poslova Stručnog nadzora nad prekopavanjem javnih površina-vraćanjem u prvobitno stanje radi postavljanja, uklanjanja, izmjene i održavanja podzemnih instalacija na području grada Zenica kako je ugovorni organ zahtjevao tenderskom dokumentacijom i pojasnio u odgovoru objavljenom na portalu javnih nabavki dana 06.04.2023. godine.

- dostavljena ponuda ponuđača Javno preduzeće za prostorno planiranje i uređenje grada „Zenica“ d.o.o. Zenica ispunjava formalno pravne uslove u daljnjem učešću postupka nabavke i njegova ponuda ocijenjena je kao PRIHVATLJIVA.

Tenderskom dokumentacijom predviđeno je provođenje e-aukcije. E-aukcija nije zakazana jer je primljena jedna prihvatljiva ponuda.

Shodno naprijed navedenom, Komisija za nabavke dala je preporuku ugovornom organu da u smislu člana 69. stav (1) tačka a), člana 70. stav (3), te člana 89. stav (3) Zakona o javnim nabavkama ("Službeni glasnik BiH", broj: 39/14 i 59/22) može donijeti Odluku o izboru ponuđača **Javno preduzeće za prostorno planiranje i uređenje grada „Zenica“ d.o.o. Zenica**, kao najpovoljnijeg ponuđača.

U vezi naprijed navedenog, donesena je odluka kao u izreci.

**PRAVNA POUKA:** Protiv ove odluke može se izjaviti žalba Uredu za razmatranje žalbi BiH putem ugovornog organa u roku od 5 (pet) dana od dana prijema iste.

Broj: 4649 /23

Datum: 07.06.2023. godine.



Direktor

Drino Vahdet

**DOSTAVITI::**

1 x Ponuđači – putem mail adrese: ze.plan@bih.net.ba, radis.doo@gmail.com

① Odjeljenje za komercijalne poslove

1 x Arhiva javnih nabavki